

淨土十要

法苑珠林卷第五 淨土十要第五

述曰。昔雲棲宏祖在日。深慕飛錫法師寶王論。及妙叶禪師念佛直指二書。往往博誦。未獲遺止。神廟末年。古吳萬融老宿某。偶於亂楮中獲一遺編。蓋二書台刻也。磨滅之餘。僅存墨影。韓朝集居士正知。與靈峯旭老人。後先梓而行之。及老人流通淨要時。遂將二書。雙珥並薦。而直指前序。略載此緣。且若深惜其未入宏祖之慧照也。今刻十要。奉寶王次十疑之後。其論所云。念未來佛。卽信願二種資糧。故最爲得要云。

念佛三昧寶王論自序

客有高信。至吾禪居。前禮致問。辭甚清逸。問吾曰。修心之人。成道捷徑。法華三昧。不輕之行。念佛三昧。般舟之宗。僉爲無上深妙禪門者。願聞其致。對曰。吾拱默九峯。與世異營。天書曲臨。自紫閣山草堂寺。令典千福法華勝場。向三十年矣。希高扣寂。未有若君之所問者也。子將涉無生之龍津。欲圖南以鵬舉。吾不敏也。嘗試論之。今則略開二十門。以明斯旨耳。

# 念佛三昧寶王論目錄

上卷七門 念未  
來佛

念未來佛速成三昧門 一

嬖女羣盜皆不可輕門 二

持戒破戒但生佛想門 三

現處湯獄不妨受記門 四

觀空無我擇善而從門 五

無善可擇無惡可棄門 六

一切衆生肉不可食門 七

中卷六門 念現  
在佛

念現在佛專注一境門 八

此生他生一念十念門 九

是心是佛是心作佛門 十

高聲念佛面向西方門 十一

夢覺一心以明三昧門 十二

念三身佛破三種障門 十三

下卷七門 通念三世  
無不是佛

念過去佛因果相同門 十四

無心念佛理事雙修門 十五

了心境界妄想不生門 十六

諸佛解脫心行中求門 十七

三業供養真實表敬門 十八

無相獻華信毀交報門 十九

萬善同歸皆成三昧門 二十

# 念佛三昧寶王論卷上

唐紫閣山草堂寺沙門飛錫撰

念。未。來。佛。速。成。三。昧。門。第一速成念阿彌陀佛，一行三昧。

夫心之二也，生於羣妄，羣妄雖虛，惑者猶滯，滯之不釋，聖以之憂，今夫玄韻暢而無說，

皆不可以法身空而具相，無不相之不明，說之不圓，則具一味之旨，無絕言之路，詎可

知其所歸歟。三昧之宗者，欲令弱喪知不二法門，存乎語默，匪唯淨名杜口，文殊與

讚而已矣。何則？夫帝網未張，千瓔焉覲，不念過現佛，豈知未來佛。宏綱忽舉，萬目齊開，既念過現佛，則知未

來無不浴大海者，已用於百川。念佛名者，必成於一相三昧。一言以蔽，其在茲焉。亦

猶清珠下於濁水，濁水不得不清。佛想投於亂心，亂心不得不佛。何衆生非佛耶。既契之後，

心佛雙亡，雙亡定也。雙照慧也。卽定慧齊均，亦何心而不佛，何佛而不心。心佛既然，

則萬境萬緣無非三昧者也。而世上之人，多念過去釋迦之月面，想現在彌陀之海

目，如拔毒箭矣。如登快樂宮矣。吾亦以之爲至教矣。獨未聞念未來諸佛之聚日者。

何耶。蓋謂不了如來對衆生之麤，說諸佛之妙，遂隔衆生於諸佛之外，故不聞焉。孰

肯念焉。淨名經中，有麤蘄蔔不麤餘香，花有著身不著身者，此是抑揚大乘也。抑小

則置鉢莊然，揚揚則則不二法華經決了聲聞法，是諸經之王。則一切香蘄

蘄水不著之旨明矣。苟非其人，則以諸佛爲至尊也，衆生爲至卑也。高下出焉，羣

妄興矣。敬傲立焉，一眞隱矣。夫如是，必草芥萬有，錙銖天下。慢幢已設，高倨稜層目。

送飛鴻心遊青漢，不可屈也。則阻維摩一切見敬爲供養中最之文矣。又不信楞伽

經說，如來藏自性清淨，轉三十二相入於一切衆生心中。如大無價寶珠，垢衣所纏。

豈觀城中最下乞人，與難勝如來，等無有異。若圓念三世佛，普觀十方尊，則合夫理

趣般若，一切有情皆如來藏，普賢菩薩自體徧故之文矣。貧女懷王，米在糠糲之旨，

鏡然可觀。豈可罹此八慢之責哉。人皆侮未來玉毫，不敢侮過現金色。殊不知起罪

之源，皆在於當來佛上。非已今佛上也。衆生苟非，當佛焉在。吾知母因子貴，米以糠

全。有叶法華不輕之心，則念佛三昧不速而成矣。問曰：法華者法也，念佛者佛也，安

得以法爲佛。以佛爲法。浩浩亂哉。對曰。不亂也。元是一門。而誰爲亂。夫芝朮之藥。列仙之子。昔各在天涯。則都無仙號。爲人服其藥。羽化雲行。故藥受仙藥之名。人得仙人之稱。人藥異也。其仙一也。若無聖人。誰與道游。法無佛悟。豈令自悟。法非佛不悟。念佛三昧生焉。佛非法不明。法華三昧起矣。一仙兩稱。俱得仙名。念佛法華。同名佛慧。佛慧既同。則不輕般舟。無上深妙禪門。於茲悟矣。未始異也。復何亂哉。

嬖女羣盜皆不可輕門第二

問曰。一切衆生。卽未來諸佛。謹聞命矣。嬖女羣盜。惡之至者。安得求敬於念佛之賓。妙對歟。對曰。如佛所演。有其二種。一對待門。二決了門。言對待門者。謂女子之虛僞。說如來之至真。則佛可尊崇。女可厭離。厭離有二。一者訶欲。二者放心。初訶欲者。如菩薩訶色欲經云。女色者。世間之枷鎖。凡夫戀著。不能自拔。女色者。世間之重患。凡夫困之。至死不免。女色者。世間之衰禍。凡夫遭之。無戾不至。行者旣得捨之。若復顧念。是爲從獄得出。還復思入。從狂得止。而復樂之。從病得差。復思得病。智者愍之。知其狂痛。

而顛蹶死無日矣。凡夫重女，甘為僕使，終身馳驟，為之辛苦。雖復鐵鑽千刃，鋒鏑交至，甘心受之，不以為患。狂人樂狂，不是過也。行者若能棄之不顧，是則破枷脫鎖，惡狂厭病，離於衰禍。既安且吉，得出牢獄，永無患難。女人之相，其言如蜜，其心如毒。譬如停泉澄波，而蛟龍居之。金山寶窟，而師子處之。當知此害，不可近也。室家不和，婦人之由。毀宗敗族，婦人之罪。實為陰賊，滅人慧明。亦如獵圍，鮮得出者。譬如高羅，羣鳥落之，不能奮飛。又如密網，衆魚投之，則剝腸俎肌。亦如闇坑，無目投之，如蛾赴火。是以智者知而遠之，不受其害。惡而穢之，不為此物之所惑也。大寶積經，佛為優陀延王說是偈曰：

現見衆苦，	皆來集身。	善友乖離，	天宮永失。	寧投鐵獄，	馳走刀山。
愚入於此，	妄起貪求。	如海疲鳥，	迷於彼岸。	死必當墮，	阿鼻地獄。
鋒刃刀山，	毒箭諸苦。	女人能集，	衆多苦事。	假以香華，	而為嚴好。

眠臥炎鑪，不親女色。

如鳥爲求食，不知避網羅。貪愛於女人，被害亦如是。譬如水中魚，

游泳網者前，便爲他所執。豈非自傷損，女若捕魚人，諂誑猶如網。

男子同於魚，被網亦如是。

次放心者，如大寶積經云：文殊師利告善住天子言：若人一心專精自守，貪欲心發，

須剋的。精研方有實益。

卽應覺知，方便散除，還令寂靜。云何散除？應作是念：此是空，此是不淨，求此欲心，生

處滅處，從何所來，去至何所？是中誰染，誰受染者？誰爲染法？如是觀時，不見能染，不

見所染，不見染事，以不見故，則無有取，以不取故，則無有捨，以不捨故，則無有愛，不

捨不愛，則名離欲寂靜涅槃也。若又恣心入諸塵勞生死之內，而亦不患貪恚癡等

煩惱過患，是謂放心。已上明第一對待門竟。第二決了門者，若究竟離諸妄，無染如

此論觀道，令觀變盜如佛。

虛空，則爲過現諸佛也，非未來佛也。汝不聞夫求無價寶，必下於滄海，采智慧寶，必

先於煩惱中求。五逆相卽解脫相，魔界如卽佛界。如若聆佛音而喜，聞魔聲而恚，不

入音聲法門，不住音聲實際，不覺於諸法者，斯乃北轅適越之士也，安得與之而論



道哉。更爲子明之經。不云夫昔列仙名鹿蹄。地滑倒仆。以仙呪令旱。國人患之。王募嬖女。誘而得之。騎頸入城。油雲四起。霈然洪濙。彼仙雖有御長風之通。陵太清之術。無能施也。僊人者。釋迦爾女者。耶輸也。法華會上。未來成佛。號具足千萬光相。如來而又念佛之人。但覩嬖女之玉容。不念光相之金好。而失不輕之旨也。念佛三昧。安得不誣哉。又阿那律。昔爲盜首。入寺盜佛額珠。箭挑佛燈。令清光不滅。阿那律者。此翻無滅。良在茲焉。當來作佛。號普明如來。皆此例也。念佛之人。尙不輕於羣盜。況於不盜者乎。未來兩佛。猶如皎日。何慮三昧而不成焉。

持戒破戒。但生佛想門第三

問曰。兩難釋矣。梵網經云。若人受佛戒。卽入諸佛位。而縑服之流。佩明月之戒。懸瓔珞之珠。參位三尊。範圍七衆。宜其敬矣。苟非精持。動行顛沛。慢何過焉。捶何罪焉。望爲剖之。對曰。如來嘗於三昧海經。爲父王說。昔有四比丘犯律爲恥。將無所怙。忽聞

今人能如此乎。又云。般若習氣。

空中聲曰。汝之所犯。謂無救者。不然也。空王如來。雖復涅槃。形像尙在。汝可入塔。一

觀寶像眉間白毫比丘隨之泣淚言曰佛像尙爾況佛真容乎舉身投地如大山

崩今於四方皆成正覺東方阿閼佛南方寶相佛西方無量壽佛北方微妙聲佛是

四破戒比丘也所以如來名此觀佛三昧為大寶王戒品海者可以滌破戒之罪垢

得塵累之清淨也此四比丘一觀寶像僉為世雄念佛之人豈得惑於破戒之僧歟

故大集經云若諸王臣打罵出家持戒破戒罪同出百億佛身血若見被袈裟者無

論持犯但生佛想佛想者念佛三昧也斯之金口明不輕之深旨也安得恣行打罵

而不懼哉經云寧為心師不師於心見慳貪人作施想見破戒人作持戒想夫然則

不為六蔽境界之所纏蓋成六度彼岸之觀門焉若住分別之心自取冥司之罰不

亦哀哉若能翻此見心則念佛三昧如川之流矣

現處湯獄不妨受記門第四

問曰若破戒觀佛皆成正覺固不可輕可信矣如現處湯獄或嬰鬼趣菩提難發河

清未期安得求敬同於念佛之士歟對曰豈不聞夫采良藥者必在山險非華堂所

出集法藥者，必在於險有，非無爲自出。則首楞嚴經說四種記：一未發心記，二初發心記，三密與授記，四現前授記。今雖現處鬼獄，卽未發心，佛記當來必發大志。遇眞善友，行菩薩行，還成正覺，故不可輕。卽是未發心之記也。佛說四種記時，迦葉白佛：我等從今，當於一切衆生，生世尊想。若生輕心，則爲自傷。佛言：善哉！快說。人皆不應稱量衆生。唯有如來，乃能量爾。以是因緣，故我勅諸聲聞及餘菩薩，於諸衆生，應生佛想。華嚴經普賢行願品，破百萬障門，亦用此想。夫如是，則現居惡趣，蒙佛與記者，亦猶宅寶未開，不妨寶在於宅內。額珠鬪沒，何廢珠隱於額中。若不念衆生爲當來佛，必以六塵爲寇賊，則猶防魔軍。適自壞其壁壘。自存敵國。使常起於怨仇。金革所以未寧，鞞鼓於焉尙振，安得高枕於其間哉。若使不降者來降，不服者咸服，則使天下一統矣。獵獵旌旗而焉用，翩翩飛將而奚適。吾將卻馬以糞田，日出而作，日入而息。雖帝堯之聖，於我何力哉。百姓日用而不知，方明聖化之廣被矣。若能悟色聲而爲佛者，念衆生爲當來佛者，必不立心前之凡境也。或想自身爲本尊也。瑜伽眞言

深妙觀門。不謀而會。夫因想而有者。豈得不空哉。則大鵬將尺鷃以齊。泰山與秋毫而一。無夷岳之僻。續鳧之憂矣。問曰。湯獄之子。殊未發心。如來法王。宥過與記。千光四射。十號圓明。誠如佛言。孰敢不信。原夫未悟。從何得醒耶。對曰。言未悟者。亦有義焉。夫長江之源。濫乎一觴。大迷之本。存乎二見。若謂念外立無念。生外立無生。則生死異於涅槃也。萬佛洪音。莫之能訓矣。若了念而無念。觀生而不生。煩惱卽菩提也。一相莊嚴。斯之能悟矣。亦猶巖上羣蜂。已房純蜜。井中七寶。何廢稱珍。皆本有之。非適今也。念未來佛。罪從何生。吾放其心。徧一切所緣之處。皆見如來。道從恚等生。於是乎在。如來藏經。佛告金剛慧菩薩言。善男子。我以佛眼觀一切衆生。貪欲恚癡諸煩惱中。有如來智。如來眼。如來身。結加趺坐。儼然不動。乃至德相備足。如我無異。廣說一切衆生有如來藏。以九喻況之。寶性論釋。而結頌言。

萎華中諸佛。糞穢中眞金。地中珍寶藏。諸果子中芽。朽故弊壞衣。

纏裹眞金像。貧賤醜陋女。懷轉輪聖王。焦黑泥模中。有上妙寶像。

衆生貪瞋癡，妄想煩惱等，塵勞諸境中，皆有如來藏，下至阿鼻獄，

皆有如來身，真如清淨法，名爲如來體。

以此文證湯獄之記，頓覺明焉。三昧之門，自然洞啓。問曰：至人用心，澹然清淨，攀緣

永絕。今說放心，徧緣一切，所緣之處，皆見如來，教何在焉？對曰：亦有教說。起心徧緣

六塵三業，仍發妙願，入佛境界。一一緣起，不離如來，名悉皆見矣。此是圓見，非由眼

也。故涅槃經云：聲聞人雖有天眼，名爲肉眼。學大乘者，雖有肉眼，名爲佛眼。何以故

曉了己身，有佛性故。又如勝天王經中，佛告天王，菩薩摩訶薩，以方便力，行般若波

羅蜜於一切法，心緣自在。緣一切色，願得佛色。攀緣永絕無所得故。心緣衆聲，願得如來微妙

音聲。心緣衆香，願得如來清淨戒香。心緣諸味，願得如來味中第一大丈夫相。心緣

諸觸，願得如來柔軟手掌。心緣諸法，願得如來寂靜之心。心緣自身，願得佛身。心緣

自口，願得佛口。心緣自意，願得如來平等之意。天王，菩薩摩訶薩，行般若波羅蜜，無

有一心一行空過，不向薩婆若者，徧緣諸法，而能不著。觀見諸法，無不趣向菩提之

道菩薩修習諸行皆因外緣而得成立又如大地住在水上若鑿池井卽得水用其不鑿者無由見之如是聖智境界徧一切法若有勤修般若方便則便得之其不修者云何能得心緣之理豈不大哉

### 觀空無我擇善而從門第五

問曰卽動而靜靜爲躁君卽凡而聖聖隱凡內謹聞選旨又三教無我理既不殊擇

善而從其義焉在對曰三教之理也破蓋從來三教一家備同之謬如是簡別不

謙光之義爲無我也濫然後以至善收之如下門所明道無我者長而不宰爲無我也佛無我者觀五蘊空爲無我也

上二教門都不明簡而至明五蘊孰辨其四諦六度萬行賢聖階級蔑然無聞但和光同塵保

雌守靜既慈且儉不敢爲天下先各一聖也安用商榷其淺深歟三教無我明矣擇

善而從者謂三性之理理無不在修心之士擇善而從蓋謂不善無益於至真無記非真則皆爲不善

雙亡於善惡妨亂佛理何莫由斯故聖人簡之而不取也故涅槃經云一闡提者心

不攀緣一切善法乃至不生一念之善是知念佛三昧善之最上萬行元首故曰三

昧王焉。

無善可擇無惡可棄門第六

問曰。若擇善而從者。何不擇諸佛之善。棄衆生之惡。乃念未來諸佛。而同過現正覺耶。對曰。不易來問。自成我答焉。何者。擇善而從者。蓋不得已而言之。爲力微任重。不能即惡而善。即妄而眞。故以明之。苟能念未來之佛。叶不輕之行。天地一指。萬物一馬。衆生皆佛。此土常淨。異鷲子之土石沙礫。同梵王之珍寶莊嚴。擇善之至矣。無惡可棄矣。即天台智者釋法華經。明絕待之妙。引證云。

衆生見劫盡。大火所燒時。我此土安隱。天人常充滿。園林諸堂閣。種種寶莊嚴。

又勝天王經曰。佛所住處。實無穢土。衆生薄福。而見不淨。良在此焉。梵云南無。唐言歸命。梵云阿彌陀。唐言無量壽。三世諸佛。豈祇一佛而壽無量耶。今與子同念于三世彌陀。同生于十方極樂。有何不可。而欲鷄路退飛哉。夫然。則烈三昧之猛燄也。不

居於織妄蚊虻。謂不復存鏗十念之洪鐘也。不聞於散亂稱佛明矣。謂散不異定。此四句約色心二

法。明衆生皆佛。念彌陀通三世既爾。念諸佛菩薩。不亦然歟。問曰。念未來佛。即與過現諸佛

等者。願聞其理也。對曰。華嚴經云。一切諸如來。同共一法身。一心一智慧。力無畏。亦

然。楞伽偈云。迦葉拘留孫。拘那含我。是以此四種等。我為佛子說。言四等者。一字等。

同名佛也。二語等。皆具迦陵頻伽梵音聲相。三法等。盡得菩提分法無障礙智也。四

身等。法身色聲相好無差也。起信論云。依方故轉。方實不轉。夫如是。則悟者悟於一

方。羣方自正。念者念於一佛。諸佛現前。經所謂水不上升。月不下降。光淨因緣。虛空

皓月。現於清水。彼佛不來。我身不往。念佛因緣。如來寶月。現於心水。如說頌曰。菩薩

清涼月。游於畢竟空。衆生心水淨。菩提影現中。

此等皆是法界事理。  
一切衆生肉不可食門第七

問曰。肉者人之所食。而念佛之家絕之。何耶。對曰。夫尸毘救鴿。上稱方平者。王禽異

也。保命一也。安得故食其肉。用資敗軀。而兀兀然不知其懼哉。苟能悟之。為未來諸



佛者孰肯飛白刃於赤鱗，放蒼鷹於狡兔，如夕蛾投火，自取其斃歟。故楞伽寶經佛語心品偈云。

爲利殺衆生，以財網諸肉。二俱是惡業，死墮叫喚獄。

以斯聖旨，若不施

如字

此財，則網者屠者自息矣。且龍樹不輕於鴿雀，高僧不跨於蟲

蟻。或問其故，答曰：斯之與吾，同在生死。彼或將先成正覺，安可妄輕耶。輕尚不可，豈

得奪食其血肉哉。寶性論云：如來藏經中，告舍利弗言：衆生者，卽是第一義諦。卽是

如來藏。卽是法身。卽是菩提。吾謂犬唯逐塊，不知逐人。塊終不息，唯念過現，不念未

來，慢終不息。若如師子而逐於人，其塊自息。聞夫敬慢之道，一以貫之。則移敬就慢，

均。父。母。於。平。人。逆。之。甚。也。移。慢。就。敬。均。平。人。於。父。母。孝。之。大。也。故梵網經云：六道衆

生，皆是我父母。孝名爲戒，良在茲焉。觀六道爲當來佛者，父母之談，猶近言耳。若能

等沙彌之救蟻，促壽更延。同流水之濟魚，天華雨積。革曠劫衆生之見，念未來善逝

之身。糞穢之內，知有眞金。重雲之間，信有明月。則食肉之昏霧，生死之煙霾，慧風掃